



## Publicaziuns dalla vischnaunca, jamna 24

### Votaziuns federalas, votaziun cantunala ed elecziun communal

L'urna principala en casa communal ei aviarta sco suonda:

**Sonda 13-6-2015 18.30–19.30**  
**Dumengia 14-6-2015 9.00–11.00**

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton sil pli tard entochen **venderdis, ils 12 da zercladur 2015, allas 17.00**, tier l'administraziun communal (tel. 081 920 36 36).

### Levgiament da votar

Mintga votant(a) ha la pussevividad da dar giu sia vusch a scret. En gliez mument sto el/ella observar il suandongt:

1. Emplenir ora ils cedels da votar e metter quels en la cuviarta da votar grisch e serrar giu ella.
2. Metter la cuviarta da votar grisch ensemen cun il certificat dil dretg da votar *suttascret* en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (*supplicau da francar*) ni directamein fierer en la scaffa da brev dalla casa communal.

Ils cedels da votar ston esser sil pli tard la sonda, ils 13 da zercladur 2015 allas 12.00 tier l'administraziun communal.

Il certificat dil dretg da votar ei da suttascriber. *Senza Vossa suttascripziun cun agen maun ei la votaziun nunvaleivla.*

*Suprastonza communal*

---

### Damondas da baghegiar

#### **2015-1021.000**

##### **Datum dalla publicaziun: Ils 12 da zercladur 2015**

Il patrun: Pirmin Monn, Via Cuoze-Sut 4, 7180 Disentis/Mustér

Il representant: aluis huonder architect fh sia sa, Via da scola 18, 7180 Disentis/Mustér

Object: Construcziun d'ina casa d'ina famiglia, annexa vid baghetg existent, parcella 1627, Via Cuoze-Sut 4, 7180 Disentis/Mustér

#### **2015-1024.000**

##### **Datum dalla publicaziun: Ils 12 da zercladur 2015**

Il patrun: Stweg Casa Camona, Via Plauncas 5, 7180 Disentis/Mustér

Il representant: Oskar Degonda-Cantieni, Via Fontauna 2, 7180 Disentis/Mustér

Object: Sanaziun ed izolaziun dil tetg-casa, procedura posteriura, parcella 1243, Via Plauncas 5, 7180 Disentis/Mustér

#### **2015-1025.000**

##### **Datum dalla publicaziun: Ils 12 da zercladur 2015**

Il patrun: Stweg Casa Cafeni, Via Fontauna 2, 7180 Disentis/Mustér

Il representant: Oskar Degonda-Cantieni, Via Fontauna 2, 7180 Disentis/Mustér

Object: Sanaziun ed izolaziun dil tetg-casa, parcella 1224, Via Cuoze-Sut 3, 7180 Disentis/Mustér



- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'instanzada baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 9 da zercladur 2015  
*Uffeci da baghegiar Disentis/Mustér*

---

### **Via d'uual Cavardiras–Caischavedra**

Muort moviments da terren resta la via denter Chischarolas e Runtget serrada per tut traffic. Pedunzs san passar senza impediments. Ina sviaziun pil traffic ei signalisada sur las Bovas.

Bien engraziament per la capientscha.  
*Uffeci forestal Disentis/Mustér*

---

### **Invit ad in'occurrentza d'informaziun publica per ils cussegls da vischnaunca da Tujetsch e Mustér concernent «Projects dallas Pendicularas Mustér»**

Cheutras envidein nus Vus ad in'occurrentza d'informaziun davart ils «projects dallas Pendicularas Mustér» che ha liug *mesjamna, ils 17 da zercladur 2015 allas 20.00 ella halla Cons a Mustér.*

Tier las Pendicularas Mustér stattan plirs projects sin rucca. A caschun dall'occurrentza d'informaziun vegn il delegau dil cussegl d'administraziun, signur Marcus Weber, ad orientar davart il stadi dils singuls projects.

#### *Program:*

1. Avertura e beinvegni (President communal, Francestg Cajacob)
2. Orientaziun davart ils projects dallas Pendicularas Mustér (Marcus Weber, delegau cussegl d'administraziun)
3. Discussiun e damondas

Nus selegrein sin Vossa participaziun.  
*Suprastonzas communalas Tujetsch e Disentis/Mustér*

---

### **Administraziun communal**

#### **Informaziun**

Muort in arranschament intern restan l'administraziun communal e tuts uffecis en casa communal serrai **mesjamna suentermiezdi, ils 17 da zercladur 2015.**

Bien engraziament per Vossa capientscha.  
*Direcziun communal*



## Invitaziun alla presentaziun dil niev sistem da signalisaziun ed informaziun

Preziadas convischinas e preziai convischins

Numerusas vias novas e historicas, stretgas e ladas, liungas e cuortas percuoran il vitg da Mustér e contuorn. Mintgina da quellas vias entscheiva e finescha enzanua. Mintgina ei punct da parten-za e finamira, mintgina ha in agen num, in'atgna historia e siu agen senn.

Aschia sco las vias d'in liug dattan perdetga da sia veta e la veglia da sesviluppar, aschia signali-sescha in bien sistem da signalisaziun ed informaziun aviartadad e hospitalitad.

Confuzius ha giu detg: «La via ei la finamira». En quei senn envidein nus Vus cordialmein da se-metter sin via cun nus ed igl expert Werner Egli per scuvierer il niev sistem da signalisaziun ed informaziun da Mustér.

L'investa entscheiva **venderdis, ils 12 da zercladur 2015 allas 17.00 alla staziun da Mustér** e cuoza rodund 60 minutas. Silsunter envidein nus Vus bugen ad in aperitiv sin la terrassa dalla Stiva Sogn Placi. Bien engraziament per Vies interess.

*Suprastonza communal*

---

## Donns d'uaul

### Disturbis entras transports da lenna

Enconuschentamein han il vent e la neiv bletscha dil november 2014 caschunau gronds donns els uauls sigl intschesch dalla vischnaunca da Mustér.

Cunquei ch'era uaul da schurmetg ei pertuccaus e per evitar donns entras il bau-scorsa, sto la lenna vegnir allontanada ord igl uaul entochen la fin da zercladur. Ord quels motivs sgolan ils he-licopters gia baul la damaun entochen la sera tard. Per motivs termics eis ei buca adina pusseivel da sgular suentermiezdi.

Nus essan pertscharts ch'ils sgols caschunan disturbis ed ein unfiseivels. Bugen sperein nus den-ton cun la capientscha da vischinas e vischins ed engraziein grondamein per la capientscha.

*Administraziun communal*

---

## Onn da scola 2015/16

Prezai geniturs ed affons

Ils uraris da scola ed igl urari dils transports per il proxim onn da scola 2015/16 ein d'anflar naven d'immediat sin [www.scoladisentis.ch](http://www.scoladisentis.ch). Jeu supplicheschel tuts scolars da Segnas da s'annunziar cun ina foto da portret silla staziun da Mustér per igl abbonament dalla MGB. Plinavon anfleis Vus sin nossa pagina d'internet era la nova lescha da scola ch'il cussegl da vischnaunca ha approbau ils 27 da fevrer 2015. Ensemen cul niev reglament d'absenzas e congedis e cul niev uorden disciplinar entran els en vigur cun igl 1. d'uost 2015.

En num dil cussegl da scola e dil cerchel scolastic engraziel a Vus per la buna collaboraziun duront igl onn da scola che va alla fin e giavischel a Vus tuts bialas vacanzas da stad.

*Kai Hinrichsen, meinascola*



## Bundeskanzlerin Corina Casanova im Forum

### Kloster Disentis

Am 19. Juni um 20.30 Uhr spricht im Peter-Kaiser-Saal die Bundeskanzlerin der Schweizerischen Eidgenossenschaft Corina Casanova über das hema: «Vor den eidgenössischen Wahlen – Was bringt die Zukunft?»

Herzliche Einladung  
*Kloster Disentis, P. Urban Affentranger*

---

## Uniun da catschadurs Péz Alpetta

### Attest da sittar a Sars sut

Ils suandonts dis eis ei pusseivel da far igl attest da sittar, mintgamai naven dallas 18.00–20.00.

2-7-2015  
24-7-2015  
7-8-2015  
14-8-2015  
21-8-2015  
23-8-2015 ( adatg – tir intern)

Cordialmein envida *Secziun Péz Alpetta*

---

## Uniun da dunnas/mummas cun affons pigns Mustér

Sco quei ch'ei va cun biaras autras uniuns ei era noss'uniun pertuccada d'ina digren. Gie, alla davosa radunonza generala eis ei schizun buca reussiu d'eleger ina presidenta, demai che negin vuleva star a disposiziun per quei uffeci. Denton fuss ei stau falliu da better gliez mument la faultsch el canvau. Pertgei pér cura ch'ei dat buca pli quella uniun, vegn enqualina pertscharta (forsa era enqualin) tgei che maunca en vischnaunca. Aschia ei seformau ina gruppa d'interess che vul segidar cun las suprastontas ad eruir schebein l'uniun da dunnas e mummas cun affons pigns ha in avegnir e tgei ch'interessescha in summa aunc las dunnas.

Per quei motiv han varga 570 dunnas denter 20 ed 80 onns obteniu quels dis in questunari cun in tschuppel damondas. Las rispostas duein lu dar sclariment co ei stat cun igl interess d'interprender enzatgei da cuminonza.

Aschia envidein nus tuttas dunnas d'emplenir ora il formular obteniu e da returnar tal entochen **sonda, ils 20 da zercladur 2015** all'adressa indicada. Sch'ei dat damondas, lu sevolvi tier las persunas numnadas sil formular.

Ei fagess grond plascher d'obtener fetg biaras rispostas. Mo lu eis ei pusseivel da giudicar tgei program che l'uniun duei porscher egl avegnir ni sche l'uniun sto propriamein vegnir sliada muort munconza d'interess.

Engraziel per tiu sustegn.  
*La suprastonza e la gruppa d'interess*